

ગો. શ્રી દ્વારકેશજી મહારાજ કૃત
મૂલ પુરુષ (મૂલ માત્ર)
(રાગ-બિલાવલ)

મૂલ પુરુષ નારાયણ યજ્ઞ,
શ્રુતિ અવતાર ભયે સર્વજ્ઞ;
શાખા તૈત્તિરીય ગોત્ર ભારદ્વાજ,
તૈલંગ કુલ ઉદિત દ્વિજ રાજ.

છંદ

દ્વિજ રાજતેં હરિ આય પ્રગટે, સોમ યજ્ઞ કિયો જબેં,
કુંડતેં હરિ કહી બાની, જન્મ કુલ તુમ્હારે અબેં;
ચકિત તત્ ક્ષણ ભયે સબ જન, એસી અબલોં ન ભઈ કબે,
સુનત હી મન હરખ કીનો, ઘન્ય ઘન્ય કહ્યો સબેં. ૧

તિન કે પુત્ર ભયે ગંગાધર,
તિન કે ગણપતિ સુત વલ્લભ વર;
શ્રી લક્ષ્મણ ભટ્ટ અનુભવ ટેવ,
શુદ્ધ સત્વ જયોં શ્રી વસુદેવ.

સત્વગુણ વિદ્યા પયોનિધિ, વિશદ કીર્તિ પ્રકટઈ,
ગામ કાંકર વારમેં રહી, જાતિ સબ હરખિત ભાઈ;
પર્વ પર સકુટુંબ લેકેં, ચલે પ્રાગફૂં, સાથ લે,
સ્નાન-દાન દિવાય દ્વિજફૂં, ચલે કાશી પાત લે. ૨

કછુક દિન રહીકે ચલે સબ દક્ષણ,
આનંદિત તનુ સકુન સુલક્ષણ;

ચંપારણ્યમે જબ આયે,

ઈલ્લમાગારુ ગર્ભ સ્થપિત જતાયે.

સાવ જાનિ ચલે તહાંતે, નગર ચૌડામે બસે,
જગતમે આનંદ ફેલ્યો, દશ દિશા માનો હસે;
ચેન હૈ સુનિ ચલે કાશી, ફેર વહી બન આવહી,
અગ્નિ ચહુંધા મધ્ય બાલક, દેખિ સન્મુખ ધાવહી. ૩

મારગ દીયો જાનિ જિય માતા,

લિયે ઉછંગ મોહે દિયો હૈ વિધાતા;

તાત સુનત દૌરી કંઠ લગાયે,

તિહીં છિન મંગલ હોત બધાયે.

મંગલ બધાયો હોત તિહું પુર, દેવ દુંદુભિ બાજહીં,
જોતસીકો લગ્ન પૂછત, પ્રથમ સમયો સાધહીં;
ધન્ય સંવત પંદ્રહા, પૈંતીસ માઘવ માસ હૈ,
કૃષ્ણ એકાદશી શ્રી વલ્લભ, પ્રકટ પદન વિલાસ હૈ. ૪

શ્રી વલ્લભફૂં લે આયે કાશી,

સુંદર રૂપ નયન સુખ રાશિ;

સાત વરસ ઉપવિત ધરાયે,

તબતેં વિદ્યા પઢન પઠાયે.

પઢેં ચારોં વેદ અરૂ, ખટ શાસ્ત્ર, મહિના ચારમેં,
તાતફૂં અચરજ ભયો, યહ કોન રૂપ બિચારમેં;
નિંદ આઈ કહ્યો પ્રભુ, સંદેહ કયોં તુમ કરત હોં,
પ્રથમ જાનિ ભઈ હૈ સો, પ્રકટ જાનો અબ ભયો. ૫

જાગ પરી કહ્યો પત્ની આગે,
 ચે હેં પૂરણ બ્રહ્મ અનુરાગે;
 શ્રી મુખ વચન કહે શ્રી વલ્લભ,
 માયા મત ખંડન ભયો સુલભ.

સુલભતેં દક્ષિણ પધારે, ગ્યારે બરસકો વપુ ધરે,
 દેખ મામા હરખકેં, આદર કિયો-‘આવો ઘરે,’;
 વિદ્યા નગર ‘કૃષ્ણદેવ’ રાજા, બહુત મતહી જહાં મિલે,
 જીતવે ‘કનકા ભિષેક’ સૂં, પઢે આવત ઇહાં પહિલે. ૬

રામાનુજ અરુ મદવાચાર્ય
 વિષ્ણુસ્વામી, નિમાદિત્ય હરિ ભજ;
 શંકરમેં અનુસરત ઔર મત,
 ચુકિત બલતેં આજ સબલ અતિ,

સબલ સુન આપુહિ પધારે, ક્ષારપેં પહુંચે જબેં;
 ભૂત્ય દૌરી પ્રતાપ બરખ્યો. ‘રાય આવો ચહાં અબેં,
 રાય આય પ્રણામ કીનો, ‘સભામેં જુ પધારિયે’,
 સુનહો બિનતી કૃપા સાગર, ‘દુષ્ટ મતહિ વિદારિયે’. ૭

ગજગતિ ચાલ ચલે શ્રી વલ્લભ;
 ઇનકી કૃપા ભયે સબ સુલભ;
 રવિકે ઉદય કિરણ જયોં બાઢી,
 તેસી સભા પાંત ઉઠિ ઠાડી.

ઠાડે સબ સ્તુતિ કરે જબ, કિયો ‘માયા મત’ ખંડન,
 શબ્દ ‘જેજે’ હોત સબ મુખ, ભકિત પથ ભુવ મંડન;
 સ્તુતિ કરે ક્ષિજ હાથ જોરેં, રાય મસ્તક નાવહી,
 પરમ મંગલ હોત હે, ‘કનકાભિષેક’ કરાવહી. ૮

પાછે જલસોં ન્હાય બિરાજે,
 વિનતી કરી રાય મન સાજે;
 ‘દ્રવ્ય સબે અંગીકૃત કરિયે’,
 પ્રભુ બોલે ‘યહ નાંહિ ગ્રહિયે.’

‘ગ્રહિયે નાહિન સ્નાન જલપત, બાંટ સબકોં દીજિયે’
 બાંટ દીનો કરી બિનતિ, મોહિ શરણ જુ લીજિયે;
 કૃપા કરી કે શરણ લીનો, થાર ભરિ મહોરેં ધર્યો,
 સપ્ત લે કેં કહ્યો, ‘દૈવી-દ્રવ્ય અંગીકૃત કર્યો.’

તહાંતે પંઢરપુર જુ સિધારે,
 શ્રી વિઢ્ઢલ નાથ મિલનકું પધારે;
 ભીમરથી કે પાર મિલે જબ,
 દોઉ તનમેં આનંદ બઢ્યો તબ.

બઢ્યો આનંદ કરી બિનતી, આપકો યહ શ્રમ ભયો,
 કહિ શ્રી વિઢ્ઢલ નાથજીને, મિત્રતા-પથ પ્રકટિયો;
 ફેર શ્રી ગોકુલ પધારે, નિરખ ચમુના હરખહીં,
 સંગ દમલાદિક હતે, તિનપેં કૃપા રસ બરખહીં. ૧

એક સમે ચિંતા ચિત્ત આઇ,
 દૈવી કિહિં બિધ જાની જાઇ ?
 આસુરીસૂં સબ મિલિત સદાહી,
 ભિન્ન હોય સો કૌન ઉપાઇ,

ભિન્નકો જબ ચિત્ત ધર્યો, તબ પ્રભુ પધારે તિહીં સમેં,
 મધુર રૂપ અનંગ મોહિત, કહત સુધ કીને હમેં;
 કરો અબતેં બ્રહ્મ કો, સંબંધ દૈવી સુષ્ટિ કો,
 પાંચ દોષ ન રહે તાકે, ‘નિવેદન’ કરો દષ્ટિ સોં. ૧

વચન સુનિ હરજેં શ્રી વલ્લભ,
યહ આજ્ઞાતેં પરમ અતિ સુલ્લભ;
કંઠ પવિત્રા લે પહરાયે,
મિસરી ભોગ ઘરિ મન ભાયે.

ભયો ભાયો ચિત્તકો, તબ પુષ્ટિ પથકૂં અનુસરે,
શરણ જે આવત નિરંતર, કાલ-ભયતેં ના ડરે;
પ્રકટ સબ લીલા દિખાવત, નંદ-નંદન જે કરી,
અવનિ પર પદ પદ્મ રાખી, પરિક્રમા મિષ ઉર ધરી. ૧૨

ફેરિ પંઢરપુર જબ આયે,
શ્રી વિહ્વલ નાથ કહી મન ભાયે;
‘કરિ વિવાહ બહુ રૂપ દિખાઓ,
મેરો નામ સુપનકો ધરાઓ.

ઘરો ચિત્તમેં બાત યહ, કાશી વિવાહ જુ હોયગો,
મેં કહ્યો જિજ આય બિનતી, કરે ચરણ સમોયગો;
આય વહાંતે વિવાહ કીનો, અધિક મંગલ તબ ભયો,
નામ ઘર્યો ‘શ્રી મહાલક્ષ્મી’, દેખિ જોરિ દુઃખ ગયો. ૧૩

પરિક્રમા ત્રીજી ચિત્ત આઈ,
નિકસ ચલે શ્રી વલ્લભ રાઈ;
ઝાર ખંડમેં પ્રભુને જતાઈ,
અબકે મોહિં મિલો મન ભાઈ.

મિલેંગે હરિ દાસ પેં, જહાં તીન દમન કહાવહીં,
ઇંદ્ર, નાગ જુ દેવ દમન, સો મેરો નામ ધરાવહીં;
ફેરકે જબ વ્રજ પધારેં, પાંચ સેવક સંગ હૈ,
સદૂ હૈ આન્યોરમેં, તહાં જ્ઞારપેં ઠાડે રહે. ૧૪

સદૂ કહિ ‘સ્વામિ કહુ ખેહૈં ?’

મેઘન કહિ ‘સેવકકો લે હૈં’;

ઇતને પ્રભુ ગિરિ ઉપર બોલે,

‘લાઇ નરો દૂધ’ રહે અન બોલે.

બોલી નરો ‘યહ પાહુને આયે, તિનહીં કો બેઠારિયે’,

પ્રભુ કહત ‘મોહૈં બેર લાગત, ભલી ચિત્ત બિચારીયે’;

લે ગઇ પય પ્યાય આઇ, દેખ શ્રી વદન કહ્યો,

‘બચ્યો હોય કહુ હમેં દીજે’, બોલ પહેલો હી ગહ્યો. ૧

દેખ નરો બોલી ‘હોં વારી’,

નામ દિજિયે ગર્વ પ્રહારી’;

નામ દીનો પૂછિ ‘વે કહાં હૈં ?’,

કહિ-પર્વત પર જાઓ તહાં હૈં ?’,

તહાં દેખે પ્રાણપતિ તબ, હુલ હુલસિ દોઉ તન ફૂલહી,

વહી સમે સુખ કહિ ન આવે, પંગુ ગતિ-મતિ ભૂલહી;

હસિ કહ્યો ‘સકુટુંબ આવો, નિકટ રહી સેવા કરો’,

માનિ બચન પ્રમાણ કીનો, સાસરે દિશ પગ ઘર્યો. ૧

કહુક દિન રહી સંગ લે આયે;

બસે અડેલમેં નિજ હરખાયે;

સંવત પંદ્રહા સડસઠ આયો,

આસો વદિ દ્વાદશી શુભ ગાયો.

ગાયો શ્રી ગોપીનાથજી, જબ જન્મ લીનો આયકે,

જાનિ બલકો રૂપ હરખિત, દેત દાન બઢાયકે;

ફેરકે ચરણાટ આયે, કહુક દિન રહે જાનકે,

ઘન્ય સંવત પંદ્રહા, ઘન બહોંતરા શુભ માનકે. ૧

પોષ કૃષ્ણ નવમી જબ આઈ,
 ઘર ઘર મંગલ હોત બધાઈ;
 શ્રી વિઠ્ઠલ નાથ પ્રકટ ભયે સુનિ કે,
 કહત ફિરત આનંદ ગણ ગુનિ કે.

આનંદ બાઢયો ચહું દિશા, છબી નિરખી શ્રી વલ્લભ હસે,
 બેઉ કધુ મુસકાય ચિતયે, દોઉ હસન મેરે મન બસે;
 તિલક મૃગમદ છિપ્યો હરખિત, કહાંલો ગુણ ગાઈયે,
 કૃપાતેં ઉછલિત નિજ રસ, છિપત નાહીં છિપાઈયે. ૧

શ્રી ગોકુલમેં વાસ સુહાચો,
 શ્રી રૂક્મિણી, પદ્માવતી-પતિ ગાયો;
 શ્રી ગિરિવર ઘર જિનહી છબિલો,
 શ્રી નવનિત પ્રિય અરવિલો.

છંદ

પ્રિય શ્રી મથુરેશ, શ્રી વિઠ્ઠલેશ, શ્રી દ્વારકેશ જુ,
 શ્રી ગોર્વધન ઘર, શ્રી ગોકુલ ચંદ્રમા, શ્રી મધુરેશ જુ;
 શ્રી મદન મોહન અષ્ટ, યહ વિધિ રમણ શ્રી વિઠ્ઠલ નાથકે,
 તાતકો ચિત જાનિ સેવા, વિસ્તરી સબ સાથકે. ૧

પંદ્રહસેં સત્તાણું કાર્તિક,
 વિમલ દ્વાદશી મંગલ નિત ઢિંગ;
 પ્રથમ પુત્ર પ્રકટે શ્રી ગિરિધર,
 પદ્ ગુણ ધર્મી, ધર્મ ધુરંધર.

ધુરંધર એશ્વર્ય શ્રી ગોવિંદ, પંચદશ નિન્યાનવે,
 ઊર્જ શામલ અષ્ટમી શુભ, ગુરુ સુદિન પ્રકટે જબે;
 ઋતુ પિયત શૃંગાર આશ્વિન, અસિત તેરસ ભ્રાંજહી,
 શ્રી બાલ કૃષ્ણાંજી મહા પરાક્રમી. વસુ ખ સોલેં રાજહી. ૨૦

કવિ સહ સુદિ સાતેં શ્રી ગોકુલ પતિ,
 યશ સ્વરૂપ માલા સ્થાપિત રતિ;
 સોરહસેં ગ્યારહ કાર્તિક સિત,
 અર્ક બુધ રઘુનાથ શ્રી સહિત.

છંદ

હેતુ નિજ અભિધાન પ્રકટે, તાત આજ્ઞા માન કે,
 તિથિ કલા બુધ મધુ છઠ, વિમલ જ્ઞાન બખાનકે;
 શ્રી ચદુનાથ પ્રકટે રહ્યો, વિરહ શ્રી ઘનશ્યામ સ્વરૂપકે,
 સહ કૃષ્ણ તેરસ રવિજ રિક્ષ, સત કલા શ્રી વિઠ્ઠલ ભૂપકે. ૨૧

ભામિની, રાની, કમલા બખાની,
 પારવતી, જાનકી, મહારાની;
 કૃષ્ણાવતી મિલિ સાતોં કહાયે,
 યહ અલૌકિક, રૂપ મહાયે.

છંદ

મહા અલૌકિક અગ્નિ ફુલ સબ, અલૌકિક અષ્ટ છાપ હૈ,
 અલૌકિક સબ ભક્ત જન જો, શરણ લીને આપ હૈ;
 યથા મતિ કછુ બરનિ આઈ, જાનિયો યહ દાસ હૈ,
 ‘શ્રી દ્વારકેશ’ નિરોધ માગે, યહી ફલકી આશ હૈ. ૨૨